



# **Leabhrán Faisnéise d'Iarrthóirí Ardoifigeach Feidhmiúcháin (Ról Buan Lánaimseartha)**

## **Bainisteoir um Sheachadadh Cláir**

**Spríodhata – 12 meán lae, Dé Luain, 17 Deireadh Fómhair 2022  
Tabhair faoi deara, ní mheasfar iarratais a chuirfear isteach tar éis an spríodhata.**

Tá an Chomhairle Ealaíon tiomanta do bheartas comhdheiseanna agus spreagaimid iarratais ó gach cuid den phobal faoi na deich bhforas a leagtar amach inár mBeartas um Chomhionannas, Cearta an Duine agus Éagsúlacht (tuilleadh faisnéise ag: <http://www.artscouncil.ie/ga/Maidir/Comhionannas,-Cearta-an-Duine-agus-eagsulacht/>)

**Clár na nÁbhar**


1. Forbhreathnú
2. Inniúlachtaí Riachtanacha don Phost
3. Bunús Fostaíochta
4. Suíomh Oifige
5. Conas Iarratas a Dhéanamh
6. Modhanna Roghnúcháin
7. Cúrsaí Leighis agus Slándála
8. Incháilitheacht
9. Teistiméireachtaí agus Fíorú
10. Fiosrúcháin/Tuilleadh Faisnéise
11. Rúndacht
12. Faisnéis Thábhachtach Eile
13. Ráiteas ar Phríobháideachtas d'Iarratasóirí

## 1. Forbhreathnú

Tugtar forbhreathnú sa leabhrán ar na hinniúlachtaí, scálaí tuarastail, iarratais agus an próiseas roghnúcháin d'iarrthóirí ar mian leo iarratas a dhéanamh ar ról mar Ardoifigeach Feidhmiúcháin sa Chomhairle Ealaíon.

## 2. Inniúlachtaí Riachtanacha don Phost

Ní mór go mbeadh an t-iarrthóir a n-éireoidh leis/léi in ann a léiriú go bhfuil na hinniúlachtaí riachtanacha aige/aici don phost meánbhainistíochta seo. Leagtar amach thíos na hinniúlachtaí riachtanacha don ról mar Ardoifigeach Feidhmiúcháin (AOF).



Foinse: An tSeirbhís um Cheapacháin Phoiblí

## Leabhrán Faisnéise d'Iarrthóirí

Ceannaireacht Foirne	Oibríonn leis an fhoireann chun ardfheidhmíocht a bhaint amach, spriocanna soiléire agus réalaíocha a fhorbairt, ceisteanna faoi fheidhmíocht a réiteach má tharlaíonn siad
	Tugann sé eolas agus comhairle shoiléir faoi cad a chaithfidh an fhoireann a dhéanamh
	Déanann iarracht slite nua a fhorbairt agus a chur i bhfeidhm chun oibriú go héifeachtach chun spriocanna a bhaint amach.
	Tugann treoir don fhoireann trína chuid oibre féin, ag cabhrú le daoine más gá
	Tuigeann sé an tábhacht a bhaineann le baill foirne a fhorbairt, oiliúint agus an leas is fearr a bhaint as scileanna agus cumas na foirne.
	Solúbtha agus toilteanach athrú, agus cur go dearfach le hathruithe a chur i bhfeidhm
Taighde, Anailís agus Cinntí a Dhéanamh	Bailíonn agus déanann anailís ar eolas ó fhoinsí cuí cé acu ábhar airgeadais, uimhriúil nó eile agus na cúinsí tábhachtacha a mheas
	Cuireann sé/sí an cheist ina iomláine agus impleachtaí bainteacha san áireamh nuair atá cinntí á ndéanamh aige/aici
	Úsáideann sé/sí eolas agus tairbhí roimhe seo chun treoir a thabhairt maidir le cinntí a dhéanamh
	Déanann cinntí stuama le bunús an-réasúnta agus seasann leo sin
	Cuireann réitigh chun cinn le fadhbanna a réiteach
Torthaí a Bhainistiú agus a Sholáthar	Glacann freagracht agus bíonn cuntasach as spriocanna comhaontaithe a sheachadadh
	Bainistíonn sé/sí raon de thionscadail éagsúla agus de ghníomhaíochtaí oibre ag an am céanna
	Cuireann struchtúr agus eagraíonn sé/sí a gcuid oibre agus obair dhaoine eile go héifeachtach
	Tá sé/sí loighciúil agus stuama faoi chur chuige, baineann sé/sí na torthaí is fearr is féidir amach leis na hacmhainní atá ar fáil
	Tugann obair amach go héifeachtach, tugann eolas agus fianaise shoiléir faoi cad a theastaíonn
	Lorgaíonn sé/sí réimsí ina bhféadfaí feabhas a dhéanamh agus forbraíonn sé/sí moltaí praiticiúla chun iad a chur i bhfeidhm
	Léiríonn díograis maidir le forbairtí nua/athruithe maidir le cleachtais oibre agus déanann sé/sí tréan-iarracht na hathruithe sin a chur i bhfeidhm go héifeachtach
	Cuireann sé/sí córais / próisis chuí i bhfeidhm le gur féidir gach gníomhaíocht agus toradh a scrúdú go héasca maidir le caighdeán
	Cleachtann agus cuireann sé/sí chun cinn fócas láidir maidir le seirbhís ar ardchaighdeán a bhaint amach do chustaiméirí inmheánach agus seachtracha
Scileanna Idirphearsanta & Cumarsáide	Cothaíonn teagmháil le comhghleacaithe agus le páirtithe leasmhara eile chun cabhrú leis an ról a chomhlíonadh
	Feidhmíonn mar nasc éifeachtach idir bhaill foirne agus an ardbhainistíocht
	Spreagann sé/sí comhrá oscailte agus cuiditheach maidir le ceisteanna oibre
	Bíonn dáiríre ina t(h)eacht i láthair agus éiríonn leis/léi aontú a fháil trí eolas ábhartha agus na buntáistí a chur i láthair go snasta.

## Leabhrán Faisnéise d'Iarrthóirí

	Pléann le daoine eile go múinte agus le meas fiú amháin nuair a bhíonn cúinsí dúshlánacha i gceist
	Cuireann eolas i láthair go soiléir, go gonta agus le muinín le linn a bheith ag labhairt nó ag scríobh
	Comhoibríonn agus cabhraíonn sé/sí le comhghleacaithe le spriocanna eagraíochta a bhaint amach
Saineolas, Oilteacht agus Féin-fhorbairt	Tuigeann sé/sí go soiléir na ról, cuspóirí agus spriocanna atá aige/aici féin agus spriocanna na foirne agus conas mar a shuíonn siad sin isteach san aonad agus sa Roinn agus cuireann seo in iúl go héifeachtach do dhaoine eile.
	Tá ardleibhéal de shaineolas agus d'eolas leathan aige/aici ar an Earnáil Phoiblí atá ábhartha dá réimse oibre
	Díríonn ar fhorbairt phearsanta chun feidhmíocht a fheabhsú
Fuinneamh agus Tiomantas do Chaighdeán Seirbhíse Phoiblí	.Déanann gach iarracht feidhmiú ag leibhéal ard agus déanann tréan-iarracht chun cuspóirí aontaithe a bhaint amach
	Léiríonn teacht aniar fiú nuair atá tosca dúshlánacha agus éilimh mhóra i gceist
	Tá sé/sí ionraic go pearsanta agus is féidir brath air/uirthi
	Cinntíonn sé/sí go bhfuil na custaiméirí i lár baill maidir le gach seirbhís a sholáthraítear
	Cleachtann sé/sí ardchaighdeán macántachta, eitice agus ionracais

Foinse: An tSeirbhís um Cheapacháin Phoiblí

### 3. Struchtúr Tuairiscithe agus Ceannaireachta:

Is ról meánbhainistíochta é ról an Ardoifigigh Feidhmiúcháin laistigh den Chomhairle Ealaíon. Caithfidh iarrthóirí a bheith in ann a léiriú go bhfuil na scileanna, eolas agus taithí riachtanach acu d'fhonn ceannaireacht foirne éifeachtach a chur ar fáil, ag cinntiú go ndírítear ar fheabhsú leanúnach agus seachadadh seirbhíse chun riachtanais ghnó na heagraíochta a shásamh.

### 4. Bunús Fostaíochta

#### Tuarastal

Tá an scála tuarastail don phost mar Ardoifigeach Feidhmiúcháin, lena n-áirítear an ranníocaíocht phinsin atá riachtanach, leagtha amach thíos.

Pointe 1 €50,848; Pointe 2 €52,334; Pointe 3 €53,816; Pointe 4 €55,300; Pointe 5 €56,788  
Pointe 6 €58,271; Pointe 7 €59,755

\*Incrimint Fadseirbhíse 1: €61,899; \*\*Incrimint Fadseirbhíse 2: €64,038

\*Tar éis seirbhís trí bliana ag Pointe 7. \*\*Tar éis seirbhís trí bliana ag Incrimint Fadseirbhíse 1.  
(Scála pá amhail an 1 Feabhra 2022)

**Ba chóir go dtabharfadh iarrthóirí faoi deara go n-iontrálfar ag Pointe 1 den scála agus go bhféadfaí an ráta luach saothair a athrú ó am go ham de réir bheartas pá an Rialtais.**

D'fhéadfadh pá agus coinníollacha éagsúla a bheith i bhfeidhm más seirbhíseach poiblí nó státseirbhíseach reatha an té a cheapfar díreach roimh an gceapachán. Beidh téarmaí pinsean seirbhíse poiblí agus coinníollacha aois scoir i bhfeidhm de réir socrúithe pinsin sa Chomhairle Ealaíon ag brath ar réamhstádas an té a cheapfar.

Faoi réir feidhmíocht shásúil, d'fhéadfaí incrimintí a íoc de réir Bheartas reatha an Rialtais.

### **Saoire Bhliantúil**

Is ionann an teidlíocht saoire bliantúla don ról seo (bunaithe ar ról lánaimseartha) agus 29 lá sa bhliain, ag ardú chuig 30 lá tar éis seirbhís cúig bliana.

### **Tréimhse Phromhaidh**

De réir Bheartas Promhaidh na Comhairle Ealaíon, tá tréimhse promhaidh 6 mhí i gceist.

## **5. Suíomh Oifige**

Beidh tú lonnaithe in oifigí na Comhairle ag 70 Cearnóg Mhuirfean, Baile Átha Cliath 2, ach tá seans ann go n-iarrfar ort oibriú ag suíomhanna eile anois is arís. Coimeádann an Chomhairle Ealaíon, dá rogha, an ceart chun an suíomh seo a athrú chuig suíomh éigin eile in Éirinn. Beidh ort taisteal anois is arís chun do chúraimí a chur i gcrích.

Tabhair faoi deara le do thoil: Táimid ag cloí le Treoiríníte an Rialtais maidir le COVID\_19 agus tá meascán againn faoi láthair d'obair ón mbaile agus freastal ar an oifig.

## **6. Conas Iarratas a Dhéanamh**

Chun iarratas a dhéanamh, seol litir ar ríomhphost (nach mó ná dhá leathanach) chuig [Recruitment@artscouncil.ie](mailto:Recruitment@artscouncil.ie) le teideal an róil sa líne ábhair, ina leagtar amach an fáth a bhfuil spéis agat sa deis seo agus an fáth a gcreideann tú go gcomhlíonann do scileanna, d'eolas agus do thaithí riachtanais an róil. Ina theannta sin, déan curriculum vitae (CV) cuimsitheach a cheangal léi ina léirítear go soiléir do chuid éachtaí agus do thaithí

ábhartha i do ghairm bheatha go dtí seo. (Sábháil do dhoiciméad i gceann de na formáidí seo a leanas: .doc, .docx, .rtf nó .pdf)

Dearbhóidh an Chomhairle Ealaíon gach iarratas a fhaightear. Mura bhfaigheann tú dearbhú laistigh de dhá lá oibre ó d'iarratas a chur isteach, seol ríomhphost chuig [hr@artscouncil.ie](mailto:hr@artscouncil.ie).

## 7. Modhanna Roghnúcháin

D'fhéadfadh an méid seo a leanas a bheith i gceist leis an bpróiseas roghnúcháin:

- iarrthóirí a chur ar ghearrliosta de réir na faisnéise atá ina n-iarratas (litir agus CV) d'fhonn liosta na n-iarrthóirí a laghdú go líon níos soláimhsithe le cur faoi agallamh;
- agallamh ar féidir láithreoireacht ón iarrthóir a bheith san áireamh leis;
- ceistiúchán pearsantachta síciméadrach a chomhlánú;
- an dara hagallamh a bhféadfadh láithreoireacht nó cleachtadh eile a bheith san áireamh leis.

Sa chás go mbainfeadh úsáid as cleachtadh gearrliostaithe, déanfaidh painéal roghnúcháin saineolaithe iniúchadh ar na hiarratais agus déanfar iad a mheasúnú i gcoinne critéir réamh-mheasta, bunaithe ar riachtanais an phoist. Dá réir sin, is chun do leasa é tuairisc mhionsonraithe chruinn a thabhairt i dtaobh do cháilíochtaí agus do thaití.

## 8. Cúrsaí Leighis agus Slándála

Beidh ar iarrthóirí a ndéantar breithniú orthu lena gceapadh scrúdú leighis réamhfhostaíochta a dhéanamh mar aon le Grinnfhiosrúchán an Gharda Síochána, lena mbainfidh saincheisteanna maidir le Leas agus Cosaint Leanaí freisin.

## 9. Incháilitheacht

### Riachtanais Saoránachta

#### Ba chóir go mbeadh an tIarrthóir Incháilithe:

- a) Ina s(h)aoránach den Limistéar Eorpach Eacnamaíoch. Tá Ballstáit an Aontais Eorpaigh, an Íoslainn, Lichtinstéin agus an Iorua san LEE; nó

- b) Ina s(h)aoránach de chuid na hEilvéise de bhun an Chomhaontaithe idir an tAontas Eorpach agus an Eilvéis maidir le saorghluaiseacht daoine; nó
- c) Ina s(h)aoránach de thír nach bhfuil sa Limistéar Eorpach Eacnamaíoch ach a bhfuil céile aige/aici atá ina s(h)aoránach de chuid LEE nó na hEilvéise nó leanbh aige/aici le duine atá ina s(h)aoránach de chuid LEE nó na hEilvéise agus a bhfuil víosa stampa 4 aige/aici.
- d) Ina d(h)uine ar bronnadh cosaint idirnáisiúnta air/uirthi faoin Acht um Chosaint Idirnáisiúnta, 2015, nó aon duine de theaghlach atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige/aici; nó
- e) Ina s(h)aoránach de thír nach bhfuil sa Limistéar Eorpach Eacnamaíoch ach atá ina t(h)uismitheoir ag leanbh cleithiúnaigh atá ina s(h)aoránach agus ina c(h)ónaí i mball stáit de chuid LEE nó san Eilvéis agus a bhfuil víosa stampa 4 aige/aici

**Ní mór d'iarrthóirí ceann amháin de na critéir shaoránachta thuasluaite a chomhlíonadh faoin dáta a tháirgtear an post dó/di.**

Is gá go mbeadh na ceadanna ag iarrthóirí nach saoránaigh de na tíortha réamhluaite iad le hobair in Éirinn. Beidh sé de fhreagracht ar an iarrthóir a chinntiú go bhfuil na ceadanna seo i bhfeidhm.

Tá sé mar fhreagracht aonair ar iarrthóirí a bhí ina seirbhíseach poiblí nó ina státseirbhíseach a chinntiú go bhfuil siad incháilithe le hiarratas a dhéanamh. Go háirithe, ba chóir d'iarrthóirí féideartha a bhí páirteach i gclár deonach téarfa/iomarcaíochta nó luathscoir agus a fuair íocaíocht iomarcaíochta nó atá ag fáil pinsean seirbhíse poiblí eolas a chur ar a gcoinníollacha féin a bhaineann le hathfhostú san earnáil phoiblí agus é sin a dhearbhu má dhéanann siad iarratas.

## **10. Teistiméireachtaí agus Fíorú**

Bheadh sé ina chúnamh dá dtosófá ag machnamh ar ainmneacha na ndaoine a bheadh ina moltóirí oiriúnacha dar leat dá rachaimis i dteagmháil leo (dhá nó trí ainm agus sonraí teagmhála). Ní gá go mbeadh d'fhostóir reatha san áireamh leis na moltóirí, ach ba chóir go mbeadh sé/sí ábalta teistiméireacht a chur ar fáil i do leith. Bí cinnte nach mbaileoimid na sonraí agus nach ndéanfaimid teagmháil leis na moltóirí ach amháin má tá breithniú á dhéanamh ort i gcomhair ceapacháin.

Beidh ar iarratasóirí fíorú incháilitheachta saoránachta agus cáilíochtaí oideachais a sholáthar i bhfoirm atá inghlactha ag an gComhairle Ealaíon.



## 11. Fiosrúcháin/Tuilleadh Faisnéise

Má tá tuilleadh faisnéise de dhíth ort nó má theastaíonn uait plé faoi rún a shocrú maidir leis an deis seo, cuir ríomhphost chuig **Recruitment@artscouncil.ie**.

## 12. Rúndacht

Faoi réir fhorálacha an Achta um Shaoráil Faisnéise, 2014, pléifear le hiarratais faoi lándiscreid.

Ná bíodh amhras ort ach go bpléifear le gach fiosrúchán, le gach iarratas agus le gach gné de na nósanna imeachta faoi lándiscreid gan iad a nochtadh d'aon duine ach amháin dóibh siúd atá bainteach go díreach leis an bpróiseas earcaíochta.

## 13. Faisnéis Thábhachtach Eile

Ní bheidh an Chomhairle Ealaíon freagrach as aisíoc aon chostais a thabhaíonn iarrthóirí lena n-áirítear réiteach i gcomhair agallaimh/freastal ar agallamh nó athlonnú.

Ba chóir go dtabharfadh iarrthóirí faoi deara go ndícháileofar iad má dhéanann siad stocaireacht agus go n-eisiafar ón bpróiseas iad.

**Léiríonn an méid thuas na príomhchoinníollacha fostaíochta agus níl sé i gceist go mbeidh sé ina liosta cuimsitheach de na téarmaí agus coinníollacha fostaíochta ar fad a leagfar amach i gconradh fostaíochta mionsonraithe le comhaontú leis an iarrthóir rathúil.**

## 14. Ráiteas ar Phríobháideacht d'Iarratasóirí

Rialaitheoir Sonraí – an Chomhairle Ealaíon

### Cuspóir na Próiseála

Úsáideann an Chomhairle Ealaíon próisis éagsúla earcaíochta d'fhonn folúntais san eagraíocht a líonadh. Nuair a chuirtear isteach ar na comórtais seo, iarrtar ar iarratasóirí doiciméid éagsúla a chur faoi bhráid na Comhairle, e.g. foirm iarratais, CV agus/nó litir chumhdaigh. Cuireadh an ráiteas seo ar phríobháideacht d'iarratasóirí i dtoll a chéile dóibh siúd a chuireann isteach ar fholúntais sa Chomhairle Ealaíon. Is féidir tuilleadh eolais ar an Rialachán Ginearálta maidir le Cosaint Sonraí agus iarratais ar rochtain ar ábhar a fháil ar shuíomh gréasáin na Comhairle Ealaíon, <http://www.artscouncil.ie/ga/Beartas-priobhaideachais/>

## Leabhrán Faisnéise d'Iarrthóirí

Tá bunús dlí leis na sonraí seo a phróiseáil agus roinntear na sonraí de réir mar is gá agus mar a shonraítear thíos.

Faightheoir/Roinnte le	Cúis
Aonad Acmhainní Daonna na Comhairle Ealaíon	Iarratais a stóráil, iarratais a admháil agus freagraí a thabhairt ar iarratasóirí. Bíonn faisnéis áirithe de dhíth le go gcuirfear i gconradh an iarratasóra rathúil é.
Bord Roghnúcháin	Faisnéis a bhíonn de dhíth don ghearrliostú agus don phróiseas agallaimh.
Fostóirí reatha/fostóirí a bhí ann roimhe seo	Státseirbhísigh reatha: Bainistíocht feidhmíochta agus seiceálacha saoire breoiteachta Daoine nach státseirbhísigh iad: Teistiméireachtaí a sheiceáil.

Comhlíonann an Chomhairle Ealaíon na gnéithe uile den GDPR agus déantar na sonraí gaolmhara a bhainistiú de réir na rialachán ábhartha.

### Faisnéis faoi na hIarratasóirí Rathúla

Coimeádfar an fhaisnéis a chuireann na hiarratasóirí rathúla ar fáil ina gcomhad pearsanta agus iad fostaithe ag an gComhairle Ealaíon, agus don tréimhse ama a bheadh de dhíth tar éis dóibh an Chomhairle Ealaíon a fhágáil.

### Faisnéis faoi na hIarratasóirí mírathúla

Coimeádfaidh an Chomhairle Ealaíon faisnéis faoi iarratasóirí mírathúla ar feadh tréimhse 12 mhí tar éis an t-iarratasóir rathúil a cheapadh.

### Ceartha an Iarratasóra

Aithníonn an Chomhairle Ealaíon go bhfuil na ceartha seo a leanas ag na hiarratasóirí i ndáil leis na sonraí a chuireann siad ar fáil:

- **Rochtain** - Is féidir le hiarratasóirí iarratas a dhéanamh agus rochtain a fháil ar na sonraí nó ar chóip de na sonraí a fháil ag am ar bith.
- **Scríosadh** - Is féidir le hiarratasóirí a iarraidh go scríosfaí na sonraí.
- **Ceartú** - Is féidir le hiarratasóirí a iarraidh go gceartófaí aon fhaisnéis mhícheart.
- **Aighneacht** - Is féidir leis na hiarratasóirí cur i gcoinne próiseáil na faisnéise seo.
- **Gearáin** - Is féidir le hiarratasóirí gearán a dhéanamh leis an Oifigeach inmheánach Cosanta Sonraí (mar a shonraítear thíos):

Ríomhphost: [dataprotection@artscouncil.ie](mailto:dataprotection@artscouncil.ie)

nó

Scríobh chuig: An tOifigeach um Chosaint Sonraí,  
An Chomhairle Ealaíon,  
70 Cearnóg Mhuirfean,  
Baile Átha Cliath 2.

**Tuilleadh Eolais ar Chosaint Sonraí**

Chun tuilleadh eolais a fháil ar Chosaint Sonraí, féach ar [www.dataprotection.ie](http://www.dataprotection.ie) nó cuir glaoch ar +353 57 8684800 nó 1890 252 231.